

道咸同光四朝詩史

何紹基字子貞晚號蝨叟湖南道州人

官編修

典黔試督蜀學均以實學教士

有東洲草堂叢集

鄧湘臬丈見示沅湘耆舊集並得知湘南故去歲賦

感歎有作

丈人顧我歎不見十年來慘澹名山業遲留校見秋蕭

聽雨屋

雲渠丈已下世

春老授經臺

仲郎小舉已舉孝廉

問到河西墓蒼山

萬木哀

先文安公葬長沙河西

一慟成耆舊蒼涼數首詩楹書雖好在洛誦感深知

先公全集

丈未之見就傳誦者

魂斷聯珠集才憐片玉詞

亡弟子毅詩亦採入

集

趨庭今夜夢悲慰兩俱疑

出都以來吾父與毅弟幾於無夜不入夢

短燭看身世深談抵嘯歌感時秋水至

時各郡縣皆苦水

讀畫故

山名

丈又為題王蓬小先生瀟湘冊子

老筆紛金石

沈栗翁黃虎癡

高吟尙薜蘿

楊紫卿文章繫忠孝期獎意如何
湯小潛

伐木

山氣作雲雲化雨雨過雲歸山是土
山中大樹幾千年融洩乾坤雲所祖
蠡民伐木心不憐山上種田秧到天
雲根將枯雨候薄漸恐人間多旱年

入黔省界中丞丈遣吏來迎意當有家書
先至黔卻寄來此乃不可得作詩寄子愚弟

母言兄弟喜承歡兒念君恩強自寬
六十日同經歲別七千里盼一書難
思親淚滴溪流熱作客心吞月氣寒
山館燈花聊慰藉連宵歸夢話團圓

牟珠洞

貫定

有橫有斜多是直有眠有行多是立
有樓有梁多似塔亦有橫有斜多是直
有眠有行多是立有樓有梁多似塔亦

龍亦象多似佛俛擲如筆仰盡筍瓊瑤盤費雕刻中間
一柱十尋聳實實虛虛萬穴孔光明堅固不壞身獨擎一
山靈氣重山顛古柏幹鉅圓高不一丈壽萬年夜爲老翁
逢客言補天尙記媧皇年千山化水水化氣此山不化鍊
更堅雷霆丁甲萬鑑鞴臟腑融液中心懸天公坐慙穿洞
去萬劫茫茫山棄捐其旁有化有不化流液復結離復連
媧皇女子不了事黔蜀於今多漏天

響琴峽

平越州

聽琴想見幽人在萬仞山頭大月中清露一天猿鶴靜元
音萬古水雲空星飛上界寒疑雪石裂虛巖暗有風旭日
東昇人事起浪浪餘響射奔洪

中丞丈人見示陽明先生遺像敬賦書後

我行龍標越龍溪龍場更在龍溪西陽明洞天夢早到日
星萬古開荒迷我行黃平月潭寺千仞懸厓讀碑記螭蟠
孫攬鵬鵠翔碑記中語想見看雲此游憩中丞丈人政學兼遺
像示我虔拜瞻英風道氣見溫肅鶴骨瘦立松蒼髯當時
一疏貂璫悚萬里投荒狎蠻種山窩玩易通神明石柳觀
天豁塵壅吾性洞澈夜氣眞講學日與諸生親奇哉膽落
安貴榮責以減驛促出軍羅施宣慰懾且感茶寮摧枯何
不敢擒王勝算非足驚任道餘力隨所擊先生經義先窮
研性天頓悟空蹄筌後儒思學有偏廢超厓走棘多危顛
丈人有道蒞茲人攷禮修文滌頑垢皮藏遺像扶風山風
教扶持意何厚學術孰始開黔陬許君弟子尹荊州圖書
業成授鄉里千載墜緒懸悠悠先生施教遙與繼禮樂須

明典章制用何陋黔士無徒仰止勞欲悟良知先六藝

夜雨念應試士子

響透空階潤逼衾垂簾無寐酒難斟夜郎萬里看山眼秋
士三千聽雨心今年止三矮屋支殘檐溜直寒更敲到燭
花深凌雲畫日文章福莫愛精神一苦吟

公安舟中阻風次韻戲作爲藕船學士解悶

硯山晨起煙漠漠知有打頭風浪作風聲得氣一鼓至浪
影如人千隊躍憶在黔州秋不雷一夜警枕聞虺虺黔闌中一

夜天雷電皆喜廉纖料峭五十日冷吟間醉興未摧今日

謂可解疾疫湖舸走曲折正堪倚舵遲初雪烏雲如山頽不怕紅葉隔
水豔殊絕量度事勢宜少安閉窗自暖開窗寒滿湖飢鴈
何須問一指瘦魚差可餐歧中有歧乃至此且喜江陵無

百里明朝試挂順風帆容與中流去無駛

荊州渡江晚泊

西山日落散輕煙風暖波平人悄然淺淺蒲帆宜晚渡蕭蕭漁火是荒年一行雁叫有霜夜萬里星明無月天瞥眼江南過江北新寒忽到短檣前

楊紫卿同年久別忽在武陵相晤喜而有作

四首錄二

子貞忽聽紫卿呼蠟炬騰花酒笑壺半世論心詩裏有今宵見面夢中無齊年契合如棠棣招隱情深在畫圖意氣依然能倔強深山病鶴不知羈

跌宕燕臺共嘯歌舊遊說與涕滂沱老成漸歎乾嘉少新鬼還驚鄭邴多采筆有人賡日月狂瀾何計挽江河當年

感慨鏡前集高枕何曾穩薜蘿

新鬼句謂湯海秋陳雲心諸君

鄭珍字子尹貴州遵義人道光丁酉舉人有巢經巢

遺詩

詩凡十卷起道光丙戌迄咸豐辛亥吾鄉翁文勤中丞爲作序

招張子佩

珩

世儒談六經孔子手刪正安知今所讀皆屬康成定念昔
諸大師剗翦守殘賸微公集厥成吾道何由徑眾流滙北
海乃洗秦灰淨師法千年來儒者各涵泳未聞道學名自
見忠孝競程朱應運生力能剖其孕格致豈冥悟祖周實
郊鄒俗士不讀書取便談性命開卷不識字何緣見孔孟
頽波及前明儒號多佛性季世略稽古小悟非大醒絕學
興皇朝談經一何盛顧閭實開宗醕博亦莫更後起復
宏暢賈孔妒且敬近來經韻翁照古有全鏡帝遣明六書
羣碩莫敢諍更得盧王輩精誠邈乎負顧惟十數公爛誦

不計乘其於漢前籍字字經鞫證精能固殊尤細心亦天性直聳高密堂上與日月併我媿無能役自覺此身剩思傍先人牆操戈助攻并諸老啟旌門後至許同盟逝將及今去神血幾何凝眷言念我友短小悍而橫招君執桴來助我鼓聲勁無爲百年內齷齪守貧病

讀日知錄

顧公宰相才老得忠孝名以言救天下不期當時行大運自泰來治具幾紛更元元萬古胸利病如列星傳來二百年攷資丐儒生或非著書意掩卷三涕零

山行

路出盤江所濫觴萬山無主夕陽荒肩輿冷瘦尋邨遠石氣青紅過雨涼國陋翻宜叢檜六路難方覺苦敢香窮途

未倦平生意欲採閒花種夜郎

比干墓下作

并序

王子於受辛爲叔父當日必有類伊周所爲者獨夫至剖其心其不悟而痛銜之可想矣周武立殷後見書傳尙十餘氏於王子僅封其墓覆巢之下殆無完卵乎

王子骨肉間力欲醒天夢封墓不及後孥戮知已縱公且豈異人三答得賢誦同聖不同福千載有餘痛

郡教授獨山莫猶人

興儒

先生七十六壽詩

靈光巋然傍橫宮獨見老輩之遺風鎮世衣冠蕩捨盡我從先生聞始終石君偉人古名相稚存曉嵐眞學宗祇今不獨少此老見者亦止三數公春海丈人在南嶽昔年剪

燭談羣雄恨我不見王懷祖復不及睹覃溪翁爲余生晚
再三歎春海又化吾真窮先生舊是王吉士曾拜諸老當
乾隆史公不稱牛走物孔子廟堂寧鞠躬陽五已作古人
視不知鼻息猶如龍時時攜我說前哲文章品業氣勃蓬
使我肩間有生氣造次欲捕天馬蹤世人解豔大官耳安
知此道非窮通先生阿五南國雪帝遣娛老排寒冬他時
才大恐難用願此趨庭神已充天意要留顯慶輅外人寧
易稱谿工請發狂言有大斗不慚寸筵撞洪鐘

曾國藩字滌笙原名子城湖南湘鄉人道光戊戌翰林
由檢討厯官至大學士兩江總督封一等毅勇侯世
襲罔替 賜諡文正著有詩集三卷

訪苗先鹿

夢

大隱東方朔著書揚子雲出門無所詣落日一從君倦鳥
宜何集閒鷗亦有羣烹茶餘幾火小啜愧殷勤

苗無僕從
親煮茶敬

客

懷劉孟容

蓉

我思竟何屬四海一劉蓉具眼窺皇古低頭拜老農乾坤
皆在壁霜雪必蟠胸他日余能訪千山捉臥龍

次韻何悔餘太守感懷述事十六首

錄七首

滄海橫流澤有鴻微生偶出一當能千艘梭織怒濤上萬

幕笳吹明月中屠罷長鯨波尙赤戰歸驕馬汗猶紅誰知
春晚周郎老更與東皇乞好風

鍾山祠廟歸然存憑弔湖湘烈士魂馬革裹屍男子志鸞
刀祭瘞 聖明恩弓旌夜動神依戶簫鼓春祈福滿門萬
世遊人應指點血殷篙眼古時痕

潯陽江水接天長良將新祠皎雪霜半壁東南支柱石數
州士女薦馨香竟無耆壽追充國猶有嘉名配武鄉匹馬
寸金都謝絕三明何必數西涼

山縣寒儒守一經出山姓氏各芳馨要令天下消兵氣爭
說湘中聚德星舊雨三年精化碧孤燈五夜眼常青書生
自有平成量地脈何曾獨效靈

幕府山頭對碧天英英羣彥滿樽前共扶元氣迴陽九各

放光明照大千短李迂辛雜嘲謔箕張牛奮總安便獨憐
何遜今漂泊望斷寒雲暮靄邊

薇閣藤廳淡淡紅多君翔步五雲中良緣彩鳳雙飛翼慧
業靈犀一點通典郡四旬書上攷闕門八口祀昭忠災祥
誰識天公意休向西風泣路窮

由來忠孝易通神忉利華鬢識後身石爛海枯終有盡生
天成佛豈無人關河庾信空蕭瑟形影陶潛孰主賓雞犬
全家存帝所淮南生計未全貧

壬戌四月沅弟克復巢縣和州含山等城賦詩四首
濡須塢裏漲春波三月鶯囀氣正和一騎雲飛新報捷漢
家收復舊山河

碧血家家百草腥荒郊五夜泣坤靈將軍一掃陵陽道便

有遊人說踏青

半壁山前鐵鎖橫當年諸將各聲名卽今錐鑿西梁下益
信 先皇萬里明

師淑韓公二十霜敢將裴令並論量諸君自有浯溪筆看
取穹碑日月光

吳嘉淦字清如江蘇吳縣人道光戊戌進士官戶部員外郎有儀宋堂詩集

蕘言贈林少穆撫部五首

設官各有職盡臣獨賢勞往者值祲歲居民慘鴻螫公時握刑篆怒焉心憂忉略仿鄭公法善政窮秋毫賑恤務實惠井井羅科條迄今碑衆口名若華袞袞江淮昨大饑洪波無禾苗餘災被蘇郡撫字期同胞

公去民重憂公來民色喜孰是父母心而不慈厥子比戶食爲天近頗呼庚癸市肆半居奇穀值增不已動言來無方實藉牟利耳公心定惻然輕重揆事理勸諭量平減升斗卹閭里勿令市僧流私智逞譎詭

有唐相楊紹京兆滅騶從以身率羣下儉德足箴諷郡邑

豈無才名節咸知重上下互相市閭檢或弛縱清望衆所
欽文簡相伯仲先聲懾僚吏夸詞絕譏頌朗鑒虛堂懸燭
物自空洞龔黃大有人一出爲公用

四民士稱首賢者葆恒心餘或累身家貪縱乖前箴道在
養廉恥待之異黎黔紕辱偶一加終身慚影衾公來作矜
式度量何淵深董勸有良術毋俾卽怕淫戕戕泮壁士終
當貢南琛

蓋公昔有言治道貴清淨利弊不滿百勿輕變法令蘇民
久恬熙柔脆少剛勁風俗或驟易勢格慮難勝知公善因
時太甚去其病餘惟事休休涵育遂物性大吏有德度民
志肅以定不競復不綏邦人仰新政

汪士鐸字梅邨江蘇江甯人道光庚子舉人有梅邨詩文集

和杜秋興 八首之四

高岡北望鬱崔嵬飛蓋橫笳卷地來漢帝至今思鉅鹿師臣何日畫雲臺外廷揖盜嚴城失中夜招魂鬼嘯哀定有奇人在耕釣嚴徐終馬恐非才

僕射官傳往代型橫宮偏重子衿青承明待詔還辭賦河北便宜豈孝經漢使但工巴蜀檄吳刀不見羽山腥儒生終日卑微管江上哀號未暇聽

民輸久困鄴侯賢佐國原知鼓鑄先蜀道縱虛三品貢永安漫改五銖錢見愁小市無鹽米合與豪家買管絃民俗更憂交子務鍾官珍重爲流傳

舊傳典屬用蘇卿胡事恩威撫八盟甥舅縱親回紇國豺
狼恐啟契丹兵武功試補元戎爵文吏姑停喜起聲好覓
朔方忠勇將高秋切莫會龍城

庚申八月

輝輝南斗火星明七萃連宵潰富平絕徼河山開御幄懿
親周召鎮神京深陵高岸人間世后土皇天海上盟聞說
論都有嬰敬遺民灑涕望西征

壬戌紀事

東瞻渤碣瑞雲紅帝眷殷勤邾鄒同析木有津移蜃市蓬
萊無水徙龍宮星躔連璧祥新見樂奏鈞天曲欲終時宮
保師
病漸
瘳也傳語昆吾爭霜葉好摩石鼓賦車攻

題楊樸庵

長年集

干戈十二載江漢惜分襟白髮尊遺耆朱紱矢雅言亂離
人事改貧賤道心深幾日從之往山空石氣沈

張提督

國樑

長濠

鑿濠百里如長虹襄陽內外云不通援賊西來拔砦人寸
寸裂之春冰融疲民百萬事畚揭飢寒趨赴期成功永安
往鑒尙未久竟欲持此爲英雄錦衣玉食奏橫吹上將牙
帳捎天風鍾山雨花望愷樂作奏待上明光宮餉糒已竭
壯士倦堅城屹屹誰能攻可憐將軍仁且武愛民殺賊疇
與同淮陰未隸隸孔費坐使豪傑悲天窮雲陽丹陽數百
里至今賽社多村翁隻雞斗酒拜且祝遺愛烈烈留江東
春柳穆穆草青蔥斷塹絡繹山花紅行人指點故鬼哭白
骨久朽長濠中

謝劉恭甫

壽會

選余詩文諸雜錄

海內大師王與惠君家說經亦二世漢唐儒學能幾人祖
孫父兄及昆弟就中伯子尤相親杯茗論文劇心契揚州
夢覺三十年曾侍耆艾談丹鉛令祖孟子瞻先生楊王吳蔣並方駕
李子旬生讓之及文若維清兄弟商榷史法無疑然雲煙過眼再相見通
義巨集成山淵閱篇寶帙未易刊虹光昔昔橫星躔尊公伯山
同年通金陵志局聘才傑借君揮筆如修椽一塵不動決
盪快家法彪固兼談邇旁人拍手徒健羨但祝鴻鵠高騰
翥嗟予熒獨甘蕉萃晚知學道猶虛器平生無福得幽棲
若耶山北雲門寺此後誰人重蜀嚴勞君料理諸文字

湯成彥字秋史江蘇陽湖人道光辛丑進士官刑部主
事有聽雲仙館詩集及西遊吟草

題李雲生太守憶長安樂府遺藁

四首

漁陽鼙鼓夕烽紅人事蕭條感憤中回首京華傷落葉側
身天地歎飛蓬清輝玉臂閨愁遠淒咽珠喉法曲工夢冷
邠州前度月浣花溪畔自春風

樓東賦筆似長門一斛珠拋掩淚痕已分賤工同報國由
來癡婢解酬恩昭陽殿裏苔空合凝碧池頭草漸昏怨煞
肥環終誤主杜陵野老暗聲吞

海隅嚴譴傍孤城樗散偏緣誤盛名賴有密章陳帝座終
期同志復神京蒼茫泉路悲窮微整頓乾坤仗老成可惜
中興房次律琴工門下太縱橫

笙鶴遙天欲赴遲遺言猶遣索題詩爲傳忠愛千秋感絕
似吾家四夢詞竟築仙龕迎白傅時太守歸道山已經旬日空餘樂府
唱紅兒杜鵑曉罷春花老禪榻吟成鬢已絲

諸葛武侯銅鼓歌

綸巾羽扇天人姿南征邊檄飛書馳鼓聲淵淵瘴雲黑渡
瀘五月揮雄師南人不反從此始新息勳名竟相似折戟
沈槍已盡銷爛斑銅鼓餘青紫火井光燿不計年空教鉛
淚灑金仙袂徒竇戶爭羅致價奪人間百萬錢幽人嗜古
目光炯臚列清齋雜彝鼎扣餘獸鈕不成聲走似蛇珠竟
無脛落日秋風大渡河吉金殘蝕共摩挲試將笳鼓歸來
曲翻入蠻鄉得寶歌

贈黎霞軒參戎

當代稱儒將如君復幾人心期銷劫運眉宇寫天真巫峽
風雲遠錦城燈火親開筵翻酒盞時岸接離巾

轉戰江湖地期清楚皖氛濤驅蛟蜃窟氣壓鵝鵝軍鵠渚
船中月龍眠山下雲周郎年最少盪決話前勳

誤被彈蕉簡來吟伏櫪歌杯深弓影曲甲卸箭瘢多蜀國
清妖霧溟池弭沸波猴冠麟閣上謠詠奈時何

關隴風塵滿從戎蜀地豪兵書搜敝篋戰血流征袍閒匣
鳴雄劍臨歧贈寶刀青門笳鼓競千里望煙旄時將請纓
赴勝說齋
同年
營次

蘆花

江海懷人隔暮天鄉愁旅思感華年輕狂也學楊花舞點
綴還添葦港妍幽夢半醒鷗攪雪晚炊小立鷺衝煙秋風

秋雨菰蒲裏一片飛飛入釣船

萬頃迷茫水國秋楚天欸乃櫓聲柔半江漁婦窺青鏡一
夜征人感白頭湘女祠前風擘絮潯陽郭外月橫鉤哀笳
斷角荒洲畔故壘蕭蕭動客愁

秋色蕭疏入望賒波回浦激咽金沙徑堆紅葉藏漁舍雪
颭青旂認酒家水市晚煙橋獨木江村新月路三叉臨歧
窮士偏多感拂拭龍文傍水涯

衰柳搖風半折腰秋情寂歷付詩瓢人來曲港吟殘雪風
起空江湧夜潮好伴數莖紅蓼冷不隨千點翠萍飄雁聲
搖落瀟湘浦隱隱青山送短橈

王柏心字子壽湖北監利人道光甲辰進士官刑部主

事有漆室吟八卷

孫鼎臣序云道光季年政尙安靜英夷就撫中外晏然子壽嘗深嘆

太息抱無窮之憂人皆迂之

又云咸豐七年余入

都過螺山訪子壽之居酒間出漆室吟謂皆壬子以

來感時述事之作用兵之尤略與夫政理之要悉見

於是古無此體也君於詩雄麗深博源出漢魏要歸

於杜而兼有明李
贈左季高

西風聞闔來驚鳥始用壯殺氣順素商武節孰能抗粵賊
久游魂近聞魄已喪到今猶稽誅惜少頗牧將吾子天下
才文武足倚仗談笑安楚疆借箸無與讓建策扼梁山事
寔歎惆悵復議造戈船進破萬里浪鄂渚臨建康拊搯等
背吭從此下神兵勢出九天土贊畫子當行麾扇坐乘舫
昔者王龍驤直指三山向慷慨溫太真義聲實先唱鼓行

當中流意氣自雄張衰懦吾終慙勦子難量慄慄東南
民解懸日相望往戮鯨與鯢露布上其狀江海四澄清乾
坤一洗蕩功成却珪組五湖踐高尙待子平賊歸結鄰託
青嶂

與芝房別後卻寄

請急單車出 帝城嵩河千里骨縱橫歸來道路差無恙
亂後鄉園復苦兵一疏 赤墀據鯁亮 九閫白日照精
誠相逢多難仍揮手愁聽沿江鼓角聲

寄訊季高

武庫森然鬱在胸歸來雲壑暫從容人從方外稱司馬我
道山中有伏龍多壘代煩三輔成解嚴初罷 九門烽何
當投袂平妖亂始效留侯訪赤松

陪學使馮展雲同年遊玉泉寺

鷲嶺鬱蒼蒼諸峯拱梵王
法雲彌郢郡山翠壓沮漳
鐵塔風煙古花臺澗壑芳
昨聞青嶺過龍象竟無傷

曲江吟賞後使節復登臨
各有陽春奏同追大雅音
高軒停壑谷遊屐歷山林
野客才衰謝徒然喜盍簪

酬言卓林茂才

言故青中丞客也
今在馮學士幕

纔布哭彭越所懷國士恩
顧盼感意氣死生終弗諼
夫子梅里裔入楚隨高軒
主人領軍府賊勢如蠶屯
城孤食且盡潰圍前乞援
賓客倉猝散榛莽宵竄奔
側聞杜郵賜血灑枯草根
西上泝沮水羈困難自存
幸逢使者至北海仍開樽
相將滯荆郢未得搴蘭蓀
中夜忽思舊惻愴聲暗吞
荒郊尙埋碧飲泣孤臣魂
烽煙慘鄉國何處江南村
拔劍

起擊柱莫釋心煩冤靈脩任浩蕩已矣勿復論

屈宋久不作大雅安可求皇荅競里耳雜進吾所憂羈客
萃詞彥高吟悲九秋望古紹貞則騷辨承風流昨枉贈新
什逸響哀且遒矯然建安骨作者追應劉修蛇亘千里駭
鯨蕩九州奸雄尙反側賢哲多滯留遂令鵷與鷺飄搖困
滄洲歎此九苞翼豈隨斥鷃儔氛翳會當掃八表昭 皇
猷朝陽待翺羽往侍卷阿遊

得李鶴人廉訪書卻寄

使君忠孝膽縱橫三楚烽煙誓掃平白浪黃龍高戰艦黑
山青憤懣威名揮戈直指妖星落移壘旋看廣漠清聞道
條侯求劇孟猶能折節用豪英

魏源字默深湖南邵陽人道光甲辰進士官江蘇同

知有古微堂文集詩鈔

讀國史館列傳十六章

林昌彝射鵰樓詩話云國史館所賴之臣有三曰將

曰相曰督撫魏默深讀國史列傳君不見十六章可謂善於比例詩亦雄浩流轉樂府之遺

君不見海關一戰奔蚩尤

王睿親

荆湖一戰陳猗謀

王安親

闌布通走虜酋

王裕親

執戮執鉞晃執劉孰非榮散畢召周

從龍從虎風雲秋英颺颺長城下禮烈墓前嘶戰馬初國

諸王

君不見朔風高天馬號追兵夜至天驕逃杭愛山坤河道

狹途殺賊如殺草沙漠間氣人中龍北斗回望哥舒弓額

超勇親王

君不見王家父子闕虢虎

王進寶

趙家父子如周處

趙良棟

深

四朝詩史甲集卷二

十五 魏黑河之一

入百戰不回頭手挈川滇歸 聖主整頓乾坤要英武那

見夔蒿作干櫓岳家父子最後雄雪夜走禽青海戎

岳鍾
父岳昇龍
亦名將

君不見長鯨鏖戰海水立夜颶震天轟霹靂澎湖蕩漏蛟

宮岌劇賊飛將兩勅敵那數昆陽與赤壁溟嶠天吳日橫

吸安得六丁重下擊

靖海侯
施琅

君不見伊犁河巴里坤轉戰萬里回孤軍黑水營葉城畔

四百騎破賊三萬風聲雪聲甲馬聲援兵夜半渾河營飲

馬昆侖銘月竊漢家天兵信雷電萬夫特萬鈞重末年惟

有海超勇

武毅謀勇公兆惠也
兼及超勇公海蘭察

君不見猓猱楚蜀妖氛惡節制如山嶺經略血戰西川斬

孽觀望旗爭避德參贊百戰天生雄難材賊平身死屯雲

雷東海長鯨作人立神弩射潮安在哉廟堂此日思鼙鼓

時危慘淡天風來

威勇侯額勒登保繼勇侯
德楞泰 右將臣六章

君不見萑宏碧血東周沔解謝諸侯彌尾大家今朝衣赴

東市馳詔何曾凜兵止萑鼉寧必命世才漢周須要尊風

雷直壯曲老星昭回名其爲賊氣乃摧康熙不翻撤藩案

莫洛明珠米思翰肯爲武庚罪姬旦從來濟國猶濟川中

流風颺楫須專令人慷慨康熙年

中和殿大學士圖海

君不見鄂公銳闢西南氏欲令夜郎叩笏游皞熙欲令幽

谷赤子蒙春曦非常之事驚羣兒英顏毅色無危疑左張

右哈供頤麾渡瀘五月觸瘴疴刊木禱穴出嶇崎功成入

相書常旗一朝銅鼓五溪西諸軍觀望稽合圍中山篋滿

揚南箕跋前躐後功幾隳任度惟斷平淮夷創始圖成自

古希

保和殿大學士鄂爾泰

君不見傅公誓軍金川震屢

詔班師不奉

命議功議

能議貴親訥張竟殉三軍令伊犁議起憂西顧舉朝贊決

惟一度力排羣疑擴漢疆

廟堂戰勝憑疏附商必應宮

桴應鼓從古風雲扈龍虎姚崇若在賊早平幾時間氣嵩

嶽生

保和殿大學士傅恒

君不見金川一夕猿鶴驚一軍獨整阿文成百戰歸來相

英主寧知相業超常武黃河改道薊東趨名糧百萬籌

天府王商正色匈奴憚欽若不敢侮王且天生方召佐宣

王百世猶興微管歎

武英殿大學士阿桂

君不見天亶天縱

乾隆聖漢相獨重劉文正邊才不足

相才足汲黯宋璟嵩華峻進退百吏無私門造次陳謨必

堯舜申公亦是瑚璉器尙少溫公剛大氣何況衣鉢傳中

庸并讓禹光經術貴

東閣大學士劉統勳
右相臣五章

君不見黃河決汴自聖朝 國初卅載鼉鼉騎百川手障

回狂濤賴有伯益逢 唐堯入疏前後如沃焦中河創闢

通千艘當其未就羣詠謠尾翹羽脩音嘒嘒賈魯被議爲

衆撓自古駿烈無逍遙魚龍歲游汴泗郊黃流幾作銅金

銷河底日隆隄日高黃河竟是天上濤

斬文襄
督兩河

君不見八閩發難浙東靡提督頓足將軍痿長城賴有書

生李疾扼常山衝突壓蚩尤壘左提印右提劍賊兵聘盼

滅兵歎斷餉填壕夜擣堅竟走獬狔完浙岸擇帥先擇節

度使從古長城恃屏翰天吳跋浪鯨崔嵬浙民直望長城

來

李文襄
督浙江

君不見燕薊建都仰東南提封千里憂潦乾虞徐汪左徒
咨歎奏功惟有朱高安撫晉督冀疏導殫四河分酺四局
完天津雄霸禾芄芄歲收百萬裨民官翻疑冀北成江南
若非聖主賢藩翰端南漕嫁禍北人寒早見鹽鐵攻桓

寬

朱文端佐怡賢親
王治直隸水利也

君不見八旗圈田徧三輔生聚承平百萬戶又不見邊外
上都千里沃插漢故畱供垌牧人滿土滿兩堪忠何不移
人墾土兩得算賈生籌漢旋乾坤奏議我欽文定孫開平
興和萬頃屯徙實八旗兼漢軍三冬射獵三時勤三邊拱
衛皇畿尊有客撫掌笑脫幘此是漢唐徙民術今日鷓
鴒行不得孫文定督直隸
籌八旗生計也
君不見南漕歲歲三百萬漕費倍之至無算銀價歲高費

增半民除抗租抗賦無飽陷吏雖橫征猶啜羹丁雖橫索
橐不盈惟肥倉胥與閭兵衣垢必澣絃必撤天運有旋道
有捷何必內河受要挾英公海運陶公節萬艘溟渤如塞
涉官民歌舞海商悅只少未飽倉胥僣海運不舉海防多
水犀樓船方荷戈小東大東當如何

陶文毅撫江蘇行海
運也相國英和主其

議
撫臣五章

趙景賢字季侯號竹生浙江歸安人道光甲辰舉人官
至福建督糧道殉難湖州 賜諡忠節加贈巡撫

絕命詩 四首錄三

豈待孤城破方嗟力莫支從來置守義敢以死生辭亂刃
交揮處危冠獨坐時相持不相殺鼠輩爾何知

裂眦呼狂寇奚煩講說多斷頭身自反抗手意云何厚貌
徒爲爾孤臣矢靡他空勞樽酒獻罵坐更高歌

猝爲羣盜困遑敢學文山且盡從容義聊驚醜類頑單辭
明順逆正氣懾神姦反復誰家子相看祇厚顏

和溫次言先生見贈原韻

相逢此際客懷增顧我真無一事能西晉風塵危越石南
朝兵火遇徐陵詩豪未肯枯腸索語雋誰嫌傲骨憎呵壁

不須長太息雲旂極北正堪憑

劉炭吟成百感增茫茫到此竟何能
諜音近喜傳三捷佳氣長須望五陵
吳會浮雲行掃蕩孫盧餘燄漫峻嶒
八义妙擅昌黎筆聖德元和定可憑

侗儻權奇愧不材悲時杜甫敵中來
偶爲王粲千秋詠來看夫差百尺臺
溪上蒼花空有夢樽前鳥語不須猜
自慚伏劍輪溫序凝碧池頭莫露才

天馬行空軼世材誰教束縛草間來
無前氣奪長城窟有價身高上國臺
得路會酬千里志忘形漫使九方猜
朔風驥首情何限珍重驂騑一代才

孫鼎臣字子餘號芝房湖南善化人道光乙巳翰林有

蒼葢詩文集

杜宇

杜宇聲中淚滿衣清明寒食亂花飛寺門一片斜陽色照
見荒原影獨歸

酬楊性農孝廉

蘇珍

見贈

昔年下第還故山與君並馬成泉間今來落帆向江口與
君同斟武陵酒武陵城中十萬家白骨相撐如亂麻蛟龍
入室人在野母不見女兒尋耶此邦頻仍憂歲瘠倉庾空
虛凋做極手無寸柄不得援對酒停杯坐歎息君家耕糴
居山巔不忍飽食看倒懸盡分積粟與宗族備荒又割溪
西田嗟君讀書志開濟射策有司遭屏棄機鞅布襪行將

老出手活人聊一試惜哉溘落在深山要路如君不能致
便登要路復何如菜色紛紛肉滿厨感君高義相期許袖
裏空存鄭俠圖

宣宗成皇帝輓詩

天策躬戡亂文思起纂圖聲名仍舊物宵旰獨宸謨恭
已先身約憂民忘體羸垂衣三十載耕鑿總無虞

漢代崇寬政湯年軫睿思禁錢蒙屢出齊斧不輕施卻
輦桑林禱塞茭瓠子詩忽聞哀詔下雨泣萬方悲

惻怛初元詔艱難四戒申合宮規不改瑤水鶴稀巡入
貢停珍物歸農簡樂人獨聞馮几命惜物廣堯仁

憶昨叨持節且蘭萬里還親承宣室召得侍邇英班豹
尾森猶列龍髯竟莫攀微臣念遭際雪涕望橋山

新樂府 非序 十首錄三

臣鼎臣 在史館恭修 宣廟實錄伏見 先帝卽

位之初減方貢省游觀罷不急之工斥難得之貨

詔旨屢降史不絕書願事關 宮庭率下內務

府外庭罕有知者夫厲精而防逸欲治必由之宴

安而忘遠謀亂必及之儉雖 聖德之一端然承

累朝豐熾之後兢兢業業不敢少自暇逸持盈

防匱綱紀秩然恭已小心之效亦可觀矣敢撮其

事爲樂府五章

蜜荔支 嘉慶二十五年

蜜荔支色如琥珀甘如飴翠罌朱筥密封識遠自海嶠來
丹墀昔在明皇天寶世嘉果纍纍必生致馬死如山供一

笑舉烽裂帛成常事 本朝家法嚴宮庭 御厨茶膳皆有經荔支蜜漬自土貢每歲所進不百瓶豈如前朝尙煩費茶作龍團鹽虎形 先皇淡泊由天性 密諭蠲除遂爲令躬行節儉莫能名嗚呼 帝德何其盛敢將 御札示史臣荔支作譜彼何人

珠軒

道光元年

皎皎明月珠出自遼海潯打牲烏拉歲提取隨浮體擲疑非人採之九淵底貢入 九天上例並獲貂歸左藏有司飛符督珠軒珠軒辛苦那敢言勞人戕物 帝惻然 詔令停採今有年 國家王氣鍾遼瀋寶物常充歲多稔貂爲大裘珠飾冠於何服之廟與壇故事大祀貂裘東珠冠珠雖多不盡取何論其餘不急之物求之難 太宗甲冑藏 太廟

世世神孫德相肖

素心蘭 道光二年

福州之蘭天下稀就中素心花更奇平地豈合植此種天
香故是瑤台姿守臣寶之不敢私馳獻 九重雲露滋邇
來素心賤如莽空山無人芳自賞 宮中不復蓄此花只
合山人插瓶盎吁嗟乎端明學士著茶錄相公亦進姚黃
花君賢臣良尙如此何怪後嗣矜繁華宣和特置花石綱
江淮破產千萬家金人渡河駕北狩艮嶽蕩爲塵與沙可
憐玩物竟何益不獨蛾眉可傾國小臣作詩紀 聖德萬
歲千秋字不蝕

送袁午橋給諫

甲三

使安徽軍因寄徐毅甫孝廉

今皇踐祚

詔求言諫書日進東華門稱堯述舜呂給諫

首捧丹書獻 至尊台省諸公繼嶽嶽挺身出手扶乾坤
天清海霽扶桑瞰虎豹噤聲狐兔奔後來一疏動 九閭
人中屈軼尤推袁袁君往時直樞密幾歲入台簪白筆剛
腸鬱律膽輪囷懍懍嚴霜照秋日兵戈四海人未安信臣
把鉞辭朝端軍中監紀尙威重 臨軒四顧嗟才難君之
骨鯁 帝所眷 召入獨對南薰殿繡衣朱轡獬豸冠白
虎幡高出催戰呂公亦是忠孝人意氣風采平生親東行
同心掃風塵露布早晚來 紫宸南州高人徐孺子獨抱
孫吳臥山水露冕乘驄試訪之旗亭酒酣可以起

周壽昌字應甫號自庵湖南長沙人道光乙巳翰林官
至內閣學士兼禮部侍郎有思益堂詩集

書張江陵傳後

相公禮數絕班聯生是升霄死墜淵博陸禍萌驂乘日元
成恩斷仆碑年會無梁寶池臺盛並異京攸父子權弱主
衰朝中外肅千秋誰似濟時賢

最憐莊烈一朝臣五十人無此一人法禁貂璫嚴內侍令
馳羽檄靖邊塵微嫌儉遜公孫被未許人污丙相茵尚有
文孫死奇烈荆山桂嶺兩嶙峋

挽曾文正公

衡嶽撐南起鸞聞半壁摧中台圻星斗上相掩風雷徹樂
三天泣停春萬戶哀滔滔誰砥柱東望總雲霾

德望三朝重高名冠列卿夢爭韋楚傳直諫魏元成東閣
翹材盛西園選韻廣單寒最榮念冠帶揖諸生

血戰戡羣孽牙兵集故鄉武功出溫國儒術得汾陽選士
才無類就書貴不忘戔戔諸將相樂籠舊儲藏

一昔

一昔狼星隕石城扶風惡耗使心驚虎牙未聽呼來歛憤
鼻翻令誤馬卿磨刃廿年胎禍水飲章萬口溢冤聲諸公
莫作元衡例斟酌崇祠與易名

前作一昔詩後晤勒少仲

方鐙

知其說全誣又作此

人事百年眞出世誰知定論死猶無重臣已被元衡禍謗
語幾罹承叔誣泣到遺民知惠政薦從賢相識通儒流言
莫聽慙非智况是千秋被史愚

李聯琇字季瑩號小湖江西臨川人道光乙巳翰林官

至大理寺卿有好雲樓詩文集

工部侍郎李宗翰之子侍郎字春湖故字

日小湖晚年主講鍾山書院崇尙實學成就甚衆與錢竹汀姚姬傳相踴歿後沈文肅奏請列入國史儒林傳得旨俞允史傳云早年詩導源漢魏精研六朝三唐遺韻後參用蘇黃法

文宗顯皇帝挽詞次唐李商隱昭肅皇帝挽詞三首韻

傷心多難日 帝座動天文 九世神靈統卅齡 堯舜

君自驚西楚炬遽走北芒雲况復簫笳咽秋風罷濟汾

卽昨征遺孽東南日警烽頻求林下馬罔畏水中龍 宸

幄籌千里 宵衣應五鐘雲天餘恨在 廟矢不須封

歌殘黃竹調不返倍傷神詐馬跳羸地號弓泣劍人敢塗

何日啟菑露入秋新退宦懷 恩禮天涯苦望塵

搶攘羈栖不閱邸抄兩載矣近聞 新天子回鑾登

極以恭邸爲議政王固叔父之親賢也而怡藩載垣鄭藩端華協揆肅順以謀危社稷伏誅額駙景壽及樞臣穆蔭匡源杜翰焦右瀛以附同載垣等矯詔爲贊襄大臣各加褫遣敬賦四詩以頌朝廷清明而伸中外望治之意

沖齡定鼎古來無重振家風六尺孤七政輝聯占象緯監奏日月合璧五星聯珠三監事白威狼胡治方總已官僚肅鳴便驚人億兆孚聖聖相承非異揆堯憂驩鯀舜加誅

雲氣蒼梧暗野廬璇闈含淚返金輿宣仁治化開元

祐明德慈徽詔建初精意睢麟萬事本諧人豺虎一朝

除紛紛枉阻垂簾制臺諫憂時早上書董元醇會奏請皇太后垂簾

爲痛宗盟賜自裁難逃齊斧有渠魁旨令載垣端華自盡肅順斬決

山中嘗矯斜封敕歇後虛充亞相才李催脅持三乘去章
惇離間兩宮來 大清臣子從無此貽誤蒙塵轍共哀

返闕方將巨猾收免教行在變苗劉朋從一例懲樞府旅
進何能貸粉侯病去尙期元氣復時危彌切乏才憂江湖
正爾心 王室夢想天邊傳說舟

弦高篇

甲常熟周召甘也庚申之變周倡鄉團御寇後爲永昌徐氏所累軍餉不繼并獲罪死

弦高急鄭難矯命所不辭區區十二牛何足犒秦師力竭
乃呼助舉國謝弗知當路有所親匍匐往愬之那知亦不
理漠視同路歧情人嘆高克君子幽鍾儀志大才何疏功
喪禍乃罹問君罪伊何罪在舉義旗義旗何由舉嗟爲徐
氏欺欺人如小兒蒙面與酣嬉一朝變虎吻搏噬兒驚唬
遠害苦不早雖悔安可追堂堂薛中丞且爲若所縻浩浩

廿萬金甘作盜糧齋日聞約內應不解所應誰吾儕况小
人墮術固其宜破產又稱貸爲之豢熊羆熊羆豢未已實
身於羈纆五月初十日滬瀆水流悲有弟急往斂有母隔
江湄有子盡髻稚遙遙哭總帷我交君外翁謂張荇州因與君
追隨往者避強寇家自涇皋移君家琴川西借舟一夜栖
嗣是遂頻聚患難勞提攜一從渡江來萍迹時合離猝然
驚惡耗淚爲死別滋君年正強仕白晢鬢鬢眉殺賊倡鄉
團義聲達丹墀鄉僚有薦剡朝旨有褒詞飛騰正難
量而乃辱塗泥况以急公歿同志皆涕洟范式欲撫輓張
邵葬何期挽詩代祭文書憾茫無涯徐氏彼何人人面戴
毛皮莫謂君不智中丞尙如斯

沈炳垣字



浙江海鹽人道光乙巳翰林官至詹事

府右中允咸豐乙卯視學廣西丁巳殉節梧州

賜

諡文節贈內閣學士

此据嚴繩生懷人詩

別有桐

戊申冬小至日消寒第一集分韻得晚字

是集以歲

飲爲樂入

字分韻

駒光日易馳迅若驅長坂朔風卷草枯寒雁逐雲遠閉門

自瑟縮嵇康習成嬾故人君平裔殷勤作嘉欸吟朋集蒨

幃春韶動葭管輕冰衣欲稜鐙火明如織膏爐藝獸炭丈

室凝煙篆綠燈樹舊醅鱗波激羣盞三雅取次飛百罰亦

何算主人青冥士才筆振庸輟諸子各英妙闔題韻重撚

銅壺漏轉深銀燭燒苦短豈無窮巷士冷螢凝雪案鄰雞

聞夜鳴霜氣入刀翦願消永夕寒遂令天下暖詰朝一陽

生鳳律晴和轉量磚日漸長莫恨歲華晚

楊忠愍公諫草亭落成紀事詩

并引

忠愍兩疏遺墨觀者跋尾殆徧歲丁未松筠庵僧
心泉屬張受之

辛

手摹勒石並築亭以臧之徑始

戊申仲春十閱月而竣事爰賦長句爲賀

長安寺上多詞豪書牆畫壁喧啾嘈此石何幸勒諫疏孤
亭屹立星辰高公生有膽死有節兩疏萬言言瀝血造物
特爲忠盡留紛紛尾賸徒饒舌張君勁鐵筆一枝惜不鏤
公臨死詩腥雲漉漉壁上噴丹心更令魂魄褫古來神物
誰磨泐印識平原琴信國況此鋤姦骨鯁存淋漓尙潑容
城墨我欲汗亭地盈尺以鐵鑄賊仆亭側賊身朽盡疏不
滅戟手詈賊恨填咽

何兆瀛字青耜江蘇江甯人道光丙午舉人官廣東鹽運使有心齋集

許海秋夏伯音同游天甯寺復過龍樹院

萬樹擁深寺蒼然秋色來夕陽欲西下人影在樓臺塵海此間土吾生本散材杞憂家國事懷抱幾時開
朝來絲管歇洗耳聽秋蟬塵鬢憐今日西風又一年客談鍾阜月人老薊門煙鹿鹿不歸去心傷落雁邊

約同人爲消寒集

眼前小聚江南客海水天風互賞音同調文章豪士氣殘年燈火故鄉心雲山漸老啼烏夢身世猶歌猛虎吟多少成虧消長事一時都付酒盃深

枕干錄題詞爲冒筱珊大令作三首

邑有神明宰潢池敢弄兵不教滋蔓草急與剪榛荆肘腋
生奇變綱常蔚大名綸言光俎豆靈爽式軒楹

季也重來日銜悲十七年復讎因報國子孝卽臣賢縛賊
豚于笠招魂酒在籩平生重名義雪涕枕戈篇

名園懷水繪宦海接金昆

謂諸齋文
川昆季

往事詩曾賦

如皋薛
銀槎藏

有水繪園修禊圖
卷余之題詠在焉新交誼共敦煙雲談勝蹟風雨欵清尊
各葆承先志流芳逮子孫

張之萬字子青直隸南皮人道光丁未狀元由修撰官

至軍機大臣東閣大學士 賜諡文忠

題史忠正公瑩圖及遺骸圖

亦識天心去猶爲一木支南朝尙歌舞列鎮各旌旗誓死
會何惜訛傳詎可疑梅花重種處酌酒奠叢祠

鑄鐵儲軍用籌兵志竟虛堅貞不磨滅埋沒出泥淤制器
昔猶拙機心古木如披圖傷劫火往事倍欷歔

重寓真武廟仍依

酹郎壁間元韻

三首錄二

鬱葱佳氣入雲深一帶嵐光染袖襟沙水分明知應運
聖神承繼到來今高低萬疊山如嶽森立千章柏有心試
向龍門翹首望無邊瑞靄起遙岑

山水由來結契深重尋登眺豁凡襟計程猶覺時如昨有

感從知後視今人相一空同我相俗心終恐雜仙心鐘聲
似警塵寰夢何日蘧廬傍碧岑

丙戌元旦恭紀三首

敢云衣鉢得師傳

丁未總裁潘文恭師

仰荷恩榮倍懷然溫飽早教

明素志

館課賦以志不
在溫飽命題

經綸難是企前賢兵荒赤地仍千

里水患黃河更屢年但祝綏豐書大有波平四海靖戈鋌

乍聽雞鳴已早朝元辰

召對尙深宵祥書良地風先動

瑞兆豐年雪未消繞砌燈光明斗極滿城爆竹起春潮欣

承

天語褒春帖福錫荷囊異數邀

肅列班聯待駕回

上親詣奉先殿後詣慈寧宮

沈沈宮漏靜樓臺聲聞

仙樂天風細門啟

慈寧

帝座來瑞靄浮煙籠殿陛祥

雲捧日照蓬萊

坤元孝治同瞻仰已有春光徧九垓

徐樹銘字壽衡號澂園湖南長沙人道光丁未翰林官

至工部尚書

謝俞廩老惠君山茶送其還撫衡湘用山谷雙井韻
包牙春貢萬山頂信史不絕徵特書山僧手拂桃花雨將
取百億驪龍珠水晶盤子青螺腴龍威仙人謝不如明年
珍重謝雙井鄉味獨數黃陵湖

杭州代酒吟題徧多公歸諾兼手書秀嶺江山發閒氣瀟
湘槩戟嵌明珠瘡民孱壤沃道腴簫勺羣慝追真如嚴綸
不用魏絳策綏靖八荒康五湖

廩老以陳涉江侍御洗竹卷屬題仍用雙井詩韻

古人作書寫心畫名賢作畫如作書蕭蕭空山數竿竹無
心萬幻靈臺珠空門豔說百寶腴苦學畫作琳瑯如師資

具存心法澈煙雨妙悟鴛鴦湖

阿門一現三百載世交荀穉誰能書瘦肥敢謂去尺咫
落上下千連珠當時寒玉清礪腴水聲簌簌風雨如無聲
數葉下天籟泠泠瑤瑟君山湖

山僧洗桐君洗竹橐筆曾寫風霜書毫端豈有聊城矢挽
球百繫牟尼珠斜陽秋碧苔岑腴瀟湘故人膠漆如感君
忘機坐江上釣月看雲范蠡湖

撫苗黔粵著遺烈梅里珍收枕祕書高吟搜奇入感舊銷
夏清過昭涼珠一筇倚瘦道則腴此君爵命瀟灑如好伴
青谿三百幅更訪騷人碧浪湖

朱次琦字稚圭一字子襄廣東南海人道光丁未進士
署山西襄陵縣知縣光緒辛巳 賜五品卿銜宣付
國史館列傳有詩文集九卷

有感

此詩紀回部
張逆之難

王度無中外恩言有歲年一方芭葉挺六月羽書傳敢以
烽爲戲須明國有權整疆光舊物石擬勒燕然
騫地驚風鶴懸軍戰氣孤攬城猶鎖鑰報國乃頭顱慘淡
歸朱鳥蒼黃叫白鳥鬼雄應擊賊爲我激頑夫

宵旰酬天祖 皇心獨斷忙六師分將帥萬馬踏甘涼駢
足傳烽急鴉兒引隊強抱陰噓燭火爲語日堂堂

專閫三台老旄幢待策勳師儲九節度天落一將軍卵弱
知能壓巢連未易焚韜鈴須努力 聖主日憂勤

百萬搜軍實糧儲責大農捐輸盡南畝飛輓繼前鋒廩藏
資先事安危在正供似聞司會議有藉世時雍

痛昔金雞詔天慈豈伏戎忍言猿鶴警莫恃馬牛風何日
從羣醜夫人怨狡童快心輟四境一示漢穹隆

動我莎車鎮微聞勢不孤蠮螋蟠塞險豺虎訖天誅帝
力乾坤正秋防士馬麤野心多反側長願控雕弧

重有感

雄劍鳴鞘夜有聲羽書馳報氣縱橫忍思敵壘遺巾幘誰
挽天河洗甲兵都尉合摩頭曼陣將軍曾守亞夫營糜軀
裹革忠良事願納靴刀答聖明

籌軍轉饒日交馳犁穴擒渠計豈卑果有檻車收五厲何
因輦帶重三褫負隅屢縱張牙勢射石終無飲羽奇振指

又鄰寒食節令人目倦凱還時

羣公讜議意何如良肉奚堪復養疽未必摸金皆校尉可
憐輸粟已尙書助軍幾見蕭丞相策變今無陸敬輿不是
帑藏先侈耗洪河流患十年餘

邊風朔雪古涼州關外徊徨定遠侯孽種可應憐馬角畜
鳴何意累人頭颺天烈燄熊熊起決地頽波橫橫流弱冠
請纓男子志愁從燈下看純鉤

述懷

出處各有尙詎云吾道非中藏誠靡夷豈必知者希秦鞅
三術鑽作法以自威沒沒釣玉叟一日丹鳥飛炙手有消
息單寒甯久微筦以造化樞萬族聽指揮至竟誰主尸爲
晦爲光輝龜策不告猶況以小智幾纖士利速化通識重

天機嚴嚴歲莫霜卉木淒已腓亮無鳴夷子微君誰與歸
少小學堂日解道春華遲竭來十餘載去日忽如遺心跡
兩厯厯回首空齋咨人生無百歲百歲將安施昔聞齊景
公涕爲牛山滋貴游事刺促幾不徂年悲我今守貧賤僦
室城西陲作苦分則爾日月若余私庶云就省曠亦美芳
菲時被褐何足貴重以玉自怡滌蕩放情志隱居江河麋

黃彭年字子壽貴州貴鎮人道光丁未進士官至江蘇
布政使

乃園小集遲鞠許爲作圖湘湘詩先成卽用其韻邀
賡甫藍洲同作以堅作圖之約

騎鶴入雲中遠近隨風颺茲山偶息影明月盈清牀因樹
結爲屋好花編作牆竹深荷亦靜主客情俱涼名勝喜互
證各言誇故鄉詩非擊鉢催圖或舒錦長鴻雪留爪痕駟
隙餘妙光五老昔嘉會香山千載香俯仰趣一致此情難
可忘後來好事人應指梅花旁

鶴山種梅
三百株

諸十一孝廉許圖乃園要之以詩依韻見答謂溽暑
緩期先賦入景爲勞感其意復有此作卽以代東
瓦石厯落蔓草蕪客來披山爲剪除巘原陟降心目舒先

生欣然許作圖區以八景概其餘賦詩爲券盟不渝誰歟
監者陶陳瞿左都枚七遲速殊況乃溽暑揮汗珠此詩催
畫如催租能事迫促何其愚公孫劍器張旭書有時四顧
而躊躇乘興據几雙綃鋪解衣磅礴蟲蟻膚神機巧思相
灌輸筆句墨搶風霆驅知君得意忘筌魚不期而獲吾亦
娛

大暑後四日雨後重集乃園以詩紀事

朝逢快雨來莫喜德星聚民樂不勞官客閒應似主山花
紅欲然園蔬綠如醺花日照壘罇談星指河鼓遲菊語游及星次
從漢上歸蹟誌琴臺古湘湖游月湖形跡忘去來中情各傾吐
山池方笑言海壖正橫觴徒誦驅鱷文誰挽射蛟弩杞人
空抱憂鍊石究何補聊可棲澗滌晨夕從茲數

俞 樾字蔭甫號曲園浙江德清人道光庚戌翰林有
春在堂詩集

感事四首

海上軍容盛火荼名王自領黑雲都獨當淝水心原壯一
失街亭勢已孤九地藏兵狐善捐重洋傳檄鯨難驅遙知
此夕甘泉望早見烽煙照大沽

鬱鬱三山次第開離宮別殿似蓬萊累朝制度周靈囿每
歲巡游漢曲臺海外鸞帆來絡繹雲中鳳闕失崔嵬昆明
湖畔波如鏡猶望春風玉輦來

漢代和戎計最疏重煩供帳大鴻臚天吳紫鳳真兒戲清
酒黃龍是誓書式壁齊廷聘鵠鵠擊鐘魯國饗鷄鵠幾時
竿上垂明月釣取吞舟海大魚

先朝講武暫圍場蕭瑟秋風塞外涼早望羽車迴谷口漫
勞石鼓刻岐陽飛黃一去清塵遠凝碧重來法曲荒騰有
開元朝士在頽唐詩筆賦連昌

文宗顯皇帝挽詞

寶籙初凝命袞庭筌治平續旒天沕穆衮鉞聖聰明史載
求言詔朝縣進善旌共傳新政好歌舞徧寰瀛

軒帝垂衣日遠尤作亂年徒聞舞千戚未見洗戈鋌德被
鵠難化威行鱷未遷中興諸將帥何以對皇天

去歲蒼梧狩鑿輿遂不同秋風吹塞草落日照宮槐七鬯
歸元子經綸仗衆材流言無管蔡何必待風雷

下士一蟣蝨曾充侍從臣端門蒙首選宣室荷垂詢未有
涓埃報徒餘老大身鼎湖龍去後望斷屬車塵

楊彝珍字性農湖南武陵人道光庚戌翰林有移芝室

詩文集

光緒十六年門弟子劉鳳苞爲之選刊

東郭有嗥狗行爲蒲城王相國作

東郭有嗥狗旦暮囓我豕欲語不敢吐坐恐貧無家青天
照明月羅幕翻重遮低徊就別室百憂稠如麻空牀甘獨
守但感恩無涯匣中所賜珠夜靜猶光華深堂鳴錦瑟列
坐多新娃不察孤衷苦笑語紛譁譁起歎倚庭柱深厭年
華賒一死明寸心委土生銅花鑄作雙秦鏡貽君長辟邪
寄孫芝房庶常

國朝推材藪豈曰非詞垣史館擅著作已讓諸老先後來
勵清節亦數羣公賢寢尋走聲利合沓生腥羶以茲清切
階遂爲津要端圖史舉束閣用才聲律間展轉互汲引繆

種滋流傳滔滔同一體誰挽東逝川子也清濟抗豈汚濁
河欄憶昔相見初學禮趨庭前青袍半曳地對客吟高軒
才名噪衆口爽若哀梨鮮追隨逐我馬三共南轅還許志
階太平撫時增長艱嗟彼蔽牛櫟不才依曲轅豫章歛得
地坐見風霆翻李下任成蹊休爲正乃冠通塞匪自人有
物司其權列鼎饌侯鯖中半藏腥涎重門羅檠戟直爲怨
所竄穹龜負崇隆過者指且訕浮榮不盈皆負謗高邱山
皎皎夙昔心無取慙山泉介哉道州子古人亦周旋亦有
趙與曾兀兀窺陳編瑤墀風日暖共點蓬萊班高要暨桂
林已充拾遺官有美珊瑚鉤早化青琅玕竊喜羣就列無
愧周任言年來歲比登雀鼠恣貪殘健兒不彎弧痛飲酒
家眠邊帥日逍遙橫海罷樓船問色有賢相黃屋無憂患

匡時付公等十畝容我閒

鄂城哀

穴火烈城城半摧守陴夜卒歿如雷二十七八人蟻附上羣
賊擁擁猶徘徊官吏踉蹌盡鼠竄賊渠與旆繽紛來羣唱
搖歌舞衢市得利如阜金如堆何爲我軍客賞士留之恣
飽狼與豺官庖酒肉尙餘汁雜隨人血波江淮烏鳶豈別
肉食肉空餘白骨橫青苔吁嗟豎儒眞可哀

得鄧小筠書感而有作

九首錄八

問訊松堂客經年闕報書關河兵火後朋舊死生餘遠隔
無消息深疑失起居今朝槩几側驚喜見雙魚
往日聯裙屐君家聚德星如何遭喪亂更遣歎零丁邊徼
多豺虎寒原剩鵲鴿山陽悽切笛爲爾愈難聽

賊火連三月孤城萬騎中旌旗懸落日鼓角雜悲風戰士
飛騰日文儒俎豆功五忠祠在否想入薜蘿叢

世已輕縫掖人惟握佩刀無能競笳鼓只望抱旌旄羣盜
猶充斥方州盡釋騷天長眺南國誰念聖躬勞

天塹何由棄江流入渺冥雲迷彭蠡白煙接洞庭青明滅
傳烽火蒼茫隕將星驚聞失七箸太息淚雙零

已謝朝參久翻嗟天步頻蕭條千里地衰白二毛人世亂
難爲隱年豐不救貧靈源無咫尺春水欲迷津

海內詞場閭湘中宿學亡殘書遺做篋老骨委窮鄉北斗
吾安仰名山孰與藏新知得豪俊吾道入蠻荒

愛子幽棲靜荆扉歲月寬好編耆舊集勿厭腐儒餐事業
臯比儿家風苜蓿盤待將兵革息重與建騷壇

邵亨豫字汴生江蘇常熟人

寄籍宛平

道光庚戌翰林由編

脩厯官至吏部左侍郎有願學堂詩存

十九日復

命銷假

癸亥二月

瞳眴遙指日華開重踏花甌舊影來多病未能辭藥物

深恩還許住蓬萊

九重寬大容言直

是日遞封奏五千餘言

六載

艱難感鬢衰慚愧尙留樗櫟質微臣何自報涓埃

補授右中允紀

恩

除書捧出翠花宮

御印初鈐色映紅供職舊真思贊贊

晉階新喜考中中遷喬共聽鳴鶯好論秩曾先洗馬崇

後漢

中允職在洗馬上見杜佑通典

忝列蓬山過十載雪泥幾處認飛鴻

元旦

五更雞唱徹晴空燈火通宵策騎中長信班聯瞻

聖母

太和劍佩拜臣工

是日先在班再至

太和殿朝賀

北藩禮自朝正

厚東海風猶近日雄

蒙古年班朝鮮使臣亦均隨班朝賀

倭與朝鮮構難聞朝鮮屢擊卻之

更冀

宸衷勤感格祥霽好補祝年豐

送王荅州觀察之官閩中卽題槐陰餞別圖二首

廿年蹤迹共燕臺惆悵離筵此夕催耽酒心情思五柳傳

家手澤重三槐

繩匠胡同舊宅有君尊人藝齋給諫手植槐樹

祥和自釀無涯福

邊徼方資有用才閩嶠不須愁遠別建牙還盼我公來

謙挹誰如老輩賢交情兩世久忘年斷金共指秦權古潑

墨猶留漢隸篇

癸亥屬題秦權詩客秋復以隸書見贈

此去羨公梅嶺遠何

時寄我荔枝鮮從今愛向槐陰立當作甘棠在眼前

尹耕雲字杏農江蘇桃源人道光庚戌進士官至湖南

河陝汝道

國史循吏有傳有心白日清詩文集

時屢著直聲咸豐時英人之役奉命與工大臣會議鄭親王端華屬色語難抗排不少屈

詠史四首

誤將姑息當慈祥懺悔惟憑貝葉章大帥不逢邊佛子姦民誰附宋金剛果能先事將薪徙何至難圖引蔓長萌嶺梧關天下險那容羣盜日披猖

詔書日夜起廉頗興疾勤王奈老何五丈隕星臣力盡三軍吹律死聲多中原蹂躪驚蛇豕故壘荒涼失鸛鷺自古勝兵由勝將征南舊部淚滂沱

月暈重圍急請兵天威賜劍許專征督師敢謂同殷浩大帥如聞用孟明蘭錡親軍誰陷陣梧平要地望侈營曹侯

相業能無擾小醜何難奏廓清

纔看越嶠息衝梯又報衡陽急鼓聲道寇縱橫走險鹿臺
臣進退觸藩羝焚舟自覺雲連隘棄甲猶聞嶽麓低獨有
憂時陶士行孤城吐氣作虹霓

後詠史六首

羽檄星馳入上蘭西來烽火太彌漫滔天賊勢空三楚埽
地軍威失一韓河北藩籬諸鎮在漢東形勝大江寬得人
何處非奇險鄭重君王拜將壇

太乙鉤陳拱帝京無端芒角露櫓槍鼓牲莫求麒麟闕殿
檻空傳解豸鳴臨割方知求利器空談都解請長纓春明
門內無風雨菊部笙歌自太平

閭闔中扉詆蕩開御牀藉帕鬱崔嵬憂勤已覺天容減哀

痛旋聞玉詔來秦代黃金空上幣漢家白髮幾邊才沙場
馬革男兒願請賦無衣始自愧

鼓鑄誰云雪可鎔持籌莫慰大司農九州貢獻誰能繼五
省儲胥不易供軍橐似聞藏蕙苾臺章爭欲稅芙蓉求金
豈出天王意但願荆南早息烽

巴陵重鎮洞庭邊下僑遺封尙屹然但使三江牢鎖鑰何
由五渚忽烽煙將軍擁節重圍外壯士投戈卜戰先自古
金湯憑衆志耿恭疏勒出飛泉

蔓草何時一炬空由來軍府貴和衷不資撫字冀黃績虛
費經營絳灌功萬事有機憂集霰四方多難怨匪風星關
雪涕收何及仰首皇天日在中

哀獨流

疊山子孫有奇節獨流誓師目眦裂天愁風慘日西匿羣
鬼信信喫人血離使總戎各灰色躍馬踰溝手搏賊獄中
死囚劉繼得勇氣咆哮一當百大小身親數十戰誓掃黑
山馘飛燕宰相棄甲臨洛關保障京師天津縣仲冬之月
日在子大帥潛行出營壘壞雲四壓礮聲起倭將軍馬蹶
於水謝尹身翼終將軍要害七創與俱死

陸 嵩字希孫號方山江蘇元和人官鎮江府教授有

意茗山館詩稿十六卷

稿於道光癸卯編定光緒壬辰刊於京師先生爲鳳石

相國師之祖道光時詩名甚著陳侍郎用光謂爲得玉谿之神而不襲其貌師鄭謹記

西域凱旋詩六首

玉門烽火照連天 宵旰憂勞已一年誰道如今少頗牧

捷書聞早達甘泉

渾巴河畔陣雲低殺氣深宵動鼓鼙健將橫刀竟飛渡征袍亂濺血如泥

功成張宴正黃昏此夕難游釜底魂何異上元燈火夜將軍飛報奪崑崙

振旅元戎受 詔還傳烽絡繹罷秦關定知絕域威聲震

百石弓懸鐵蓋山

還軍萬里肅秋毫一路歡聲擁節旄三月春風少楊柳雪
花猶是滿弓刀

神弓千載震窮荒百尺穹碑勒道旁誰是淋漓大手筆捉
刀未許段文昌

呈林中丞

則徐

少穆先生

一疏傳聞達九閭流民難繪鄭監門未償飢溺平生願敢
負憂勞聖主恩官閣持籌宵正急窮檐挾纊戶知溫諸
生應識公深意肯使呼號尙滿村

時公以諸生散振胥吏無至鄉村者

呈蔣伯生丈

才名早向濟南知老去疏狂尙舊時漂泊一生空薄宦流
傳四海有新詩清樽偶共西湖泛畫舫深愁落日移風雅
得新成我幸細論何惜與臨歧

初得長孫命名潤庠作詩示懋兒

我年二十五我始生汝兄汝祖政五十抱孫喜方形汝生
後三歲一室慶添丁今汝復生子我亦五十盈我豈不動
色轉念傷我情憶汝兩兄弟毀齒讀五經教誨叔兼師琅
琅音能清汝祖聽之喜謂兒當有成期望未稍釋老病時
自驚詎知逾十載一衿汝始青痛汝祖父母欲呼久泉冥
今此襁中物愚智難自明雖然墮地哭厥聲頗類英長成
或不凡繼起隆家聲我豈定能見白髮看日爭况茲正岌
岌東海苦用兵饑饉更連值民各憂其生兒生欲何祝且
祝時豐亨兵荒幸能免教養始堪營潤庠紀毓地聊以命
兒名非幸江山秀鍾此芝蘭馨欲知近聖居生已殊蚩氓
我苟畢憂患得偕汝歸耕一編課兒讀孝弟傳先型我願

四庫詩集卷之二
亦已足汝責誠非輕回念汝生初涕淚滿吾纓

紀事 三首

沙角縣孤壘狂鋒抵死嬰議和方共恃力戰欲誰爭仗劍
空憂國臨危尙請兵將才容易得涕泣獨捐生

命將重推轂歡聲溢 廟堂登壇原國士秉鉞况天潢鉦
鼓連營急旌旗夾路長定知軍令肅安堵歷巖疆
西域威聲在樓船舊將雄便應驅組練亟爲掃艤艦捷未
盧循報書先陸賈通 聖恩歸養病抱恨欲何窮

穆慰祖字引初江蘇常熟人有從好齋詩草二卷楚遊

草二卷

鍾渭之令祖

詩均未付刊林元英題云清

於江山之助者多矣

郭輅題七律一首

有云醉呼綠螳憑杼臆狂到青蓮許拍肩

胥江懷古

江干渺渺暮雲平
霸業銷沈水自清
古廟迎神喧野岸
怒濤挾雨撼山城
鳴夷有恨旋亡國
烏喙無情早敗盟
白馬素車隄外路
春來愁聽杜鵑聲

秋夜

夜寂秋山空
風清松子落
明月忽飛來
照我石上酌

憶故人鮑孟卿孫雪江

道義文章友
平生此二人
賤貧俱有志
肝膽各披眞
永別何無夢
經秋復覩春
詩成便相憶
每次必沾巾

仲春述懷 有序 四首

春過建寅月當正午嘆紅梅之零落難逐芳魂見
隄柳之輕盈漸舒青眼時還劍極而逢泰人則否
極而終窮欲問前津慈航安在未登彼岸駭浪何
辭暗泣牛衣莫誚英雄氣短恥交狗監難憑錦繡
才長買臣之選舉無聞阮籍之猖狂如故有地難
埋且置牢騷於度外無天可問漫堆硯礪於胸中
司馬遙發憤而憤未消須教作史韓昌黎送窮而
窮仍在可惜能文當此旅館蕭條羈愁莫訴鄉關
迢隔音問難通此感觸之所由來而吟詠之所由
起也聊寫悲思敢深怨悵云爾

九十春過一二分暖風未必醒寒貧不情天地留斯日何

處雲山著此身白墮漫傾排悶酒青山應笑不歸人祇緣
埋沒桃源路欲出塵時又染塵

羈留江館事多違落拓常供俗眼嗤壯士倚天原有劍寒
儒立地竟無錐漫誇鸞鳳翔千仞獨怪鶴鵲寄一枝欲破
愁城殊未得只今猶仗酒兵奇

世情廉跼溷隨夷傲骨天生乏媚姿肯受風塵溜布素務
令江海照鬚眉除書對客談何事月旦逢人謝未知吾癖
尙存殘卷在紙窗鐙火夜敲詩

擬學逢迎性已偏平生不乞俗夫憐毀巢縱被燒眉火餽
口惟耕破硯田時發狂言驚腐鬼久拚名字署頑仙乾坤
灑徧傷心淚地不埋愁且問天

客有詢虞山勝景者詩以答之

石秀峰奇鬱然起虞山蒼翠盤千里窈窕玲瓏勝景多登
臨極目頻遙指粉堞高環界破青潛蛟嶺上矗孤亭連雲
樓閣參差處擁檜仙壇布七星書臺猶剩蕭梁跡千古文
章表眞脈至今餘韻入松風梅坡月夜聽如昔洽洽七水
流山下似和弦歌繞官舍仰囑銀河落北崗龍澗桃源水
爭瀉香林紺宇積重重維摩日影射三峰迂迴望斷秦坡
路絕頂還探拂水蹤半空晴雨飛瓊液豁崖風捲珠簾白
峭壁驚看峙劍門楓林錦繡標丹碧渺渺湖光雨鏡明茫
茫海色野雲平巖前四顧景無限圖畫天然取六呈何當
爲倩丹青手寫將名勝懸君牖一軒飽看仲雍山臥游騷
客憑消受

朱掄字條生江蘇吳縣人有萬卷書屋詩存潘磨生作序云

道光中吾吳清才鴻學有朱條生葉調生兩先生皆自書其字作若故有紅苕綠苕之目

讀史記三首

入關遣沛公漢業於此初誰歟發此謀懷王諸老將一語
定大計應畫麟閣上可惜不書名千秋徒悵望

淮陰下鐘室千古皆銜哀而我論其事禍亦有自來躡足
王齊地隆準心已猜惜哉少學術無以濟雄才

留侯造漢成老從赤松子胡然張辟疆乃謀王呂氏家室
壞纖兒千古類如此太尉入北軍一時僥倖耳

游金鼇玉螭橋

到此真疑尺五天長帆一道跨晴川樓臺金碧雲輝映林
木葱籠氣萬千戲水錦鱗知浪暖撲欄飛絮弄春研幼輿

邱壑平生厯未抵斯遊向日邊

松筠庵謁楊椒山先生像

庵爲先生故宅在宣武門外

萬死投荒舌尙存再焚諫草叩丹闈猶能事後褒臣直敢
惜餘生報主恩碧血而今輝汗簡冰山幾見逮兒孫

錄記分宜籍沒事

數椽老屋留燕市佛火熒熒耿古魂

聞臺灣警

驚聞橫海掣長鯨赤子潢池竟弄兵楊僕樓船方整旅伏
波馬革已捐生暇時備敵軍須練長策安邊吏要清又累
至尊宵旰慮天戈急爲掃機槍

葉廷琯字調生江蘇吳縣人有楸花盒詩四卷

避兵滬濱之華涇兩月冬初由泖湖歸吳門

江海烽煙迄未休思鄉聊復理歸舟世緣自悔多情累家

具猶嫌長物留細雨春帆歧路恨春杪間訛言清霜曉角

旅人愁青浦勇丁盤詰甚嚴戰塵纔隔吟眸豁篷底青山作臥遊

東坡捫腹圖象

平生肝膈幾人知竟有蛾眉慰所思差許贈言追老可西

湖雖好莫吟詩

新法橫行黨禍胎命宮磨蝎鳩爲媒一時擁髻閒酬答冷

看熙豐國事來

七十生日作是年係咸豐辛酉

天教海角寄餘生忽忽他鄉歲月更久住田園詩漸逸偶

談山水夢俱清世嗤龔勝輕求死賊中開偽科有應試受秩者我愛韓

康善避名一語借吟聊自祝願留老眼待昇平

青浦金曼鴻明經王去冬上書言事爲當軸所斥賦

此慰之卽題所上書彙後

何來淞泖一書生險作江東禍正平自信芻言能愛國
誰知肉食忌談兵人嗟寶物投於暗天惜良材川不輕願
爾暫韜經世略橫流最好是潛名

讀史有感爲曼鴻作

獻策心期贊治平一腔熱血數書生漢廷絳灌憎年少宋

室汪黃蔽主明柴望慨慷書獲譴宋柴望撰上兩丁卹模

僥倖史垂名

唐卹模上書言事以十六字爲標題通鑑載其事亦未見用奇才自古多

遭抑愛士原須命世英

減道

間以詩鳴於嘉湖有送友佳句云
時相送短長亭愁殺馮頭春草清

相思曲

瑣窗垂垂列珠箔香霧空濛閉江閣前溪一曲人斷腸相
思五夜梅花落梅花落盡庭中枝關山匹馬猶未歸冰綃
濕透相思淚月明萬里征鴻飛

春雨不止勺園花萼俱謝因作惜花歌

花漠漠雨濛濛窗前半折桃枝紅燕子來時人不見春山
一碧橫簾櫳去年賞花花開好今年惜花花落早愁人相
對落花天滿眼春風共潦倒連朝積水浮郊垌鶯衣蝶粉
何飄零前村幾箇同心友經時不來叩柴扃滿途泥湓行
人少開春臥病春又老一種天涯淪落心紅雨滿堦愁不

掃畫闌寂寞三月時人與花枝瘦不支簾前贏得芳草綠
年年爲我訴相思

獨坐

獨坐對空亭知人鳥窺牖不見池上花只見風中柳

野望

草木谿山秀樓臺絃管繁
亂鴉棲柳岸流水繞花村
湖墅添風景池塘帶雨痕
故人持酒榼就我到柴門

白紵篇

華堂夜酌金叵羅美人綽約俱媚娥
玉簫金管吹且歌今夕何夕樂如何
珊珊雙佩搖瓊玖大垂手兮小垂手
媚態纖纖楊柳腰嬌聲歷歷櫻桃口
昔年白紵承君歡今年白紵淚闌干
青苔永巷無人問自題詩句寫齊紈

溫汝超字次言浙江錢塘人

有溫次言先生詩錄附刻趙忠簡公遺墨後

呈趙竹生先生

久仰龍門百尺增荊州初識與飛騰困胡自信同蘇武負
漢何曾學李陵得句淚流書激烈先生有絕命詞五首密遞中江談兵色
變露峻嶒丈夫遠志如鴻鵠皮裏陽秋莫作憑

經文緯武抱奇材天遣星靈應運來蟾窟探花標虎榜貂
冠繼葉上麟臺擲盧表赤心同鑒轉緣同黃局漫猜對酒
酣嬉還大笑輕生溝瀆太無才

再呈竹生先生

忽聞奇律奏歸昌兩部蛙鳴引鳳凰刺繡人皆欽趙勝揮
刀我竊愧溫璋六朝金粉香零落三竺鶯花夢渺茫指日
蘭英扛健筆中興獻頌上明堂

竹生先生疊賜和章仍依前韻賦呈二律

刻朽雕頑興愈增加鞭劣馬喜飛騰只憐愁賦張平子那
得家尋杜少陵鬢指飄蓬添優悒身浮斷梗負峻嶒獻詩
要強休文讀香火因緣可有憑

刀山劍樹殺羣材吾戴吾頭觸網來入地貞魂歸淨域通
天長嘯上層臺珠飛咳唾休輕擲鐵鑄乾坤莫妄猜拭目
凌煙添畫像每逢亂世出奇才

對雪感懷奉酬竹生先生卽用原韻

雪光掩映鬢蕭蕭爲賦枯魚氣湧潮抱玉無言沽莫問拋
琴有淚拭難消愴懷鯉信飛空杳檢點鴻泥寄迹遙昨夜
夢魂驚栩栩探梅早到段家橋

馬三俊字命之安徽桐城人優貢生有馬徵君遺集六

卷

保舉孝廉方正咸豐四年
率鄉兵與粵賊戰陣亡

雜詩

五首錄三

好音不示聾好色不示盲聾者無鐘鼓盲者無文章斯道
日流著豈其判顯藏寢饋與之俱菅闇迷其方滋蔓興荆
棘樂土乃蕪荒廣徑一朝塞千載不復明舉世盡蒙翳開
拓誰爲倡此中渺無迹踐之空自傷周道雖砥矢勉焉不
能行每念夙昔意俯仰恐難償杳矣古聖賢中夜獨徬徨
翩翩結羣鳥萬里共翔翱一鳥中被繳墜焉落蓬蒿相顧
失其侶悽愴各鳴號鳴號亦何爲空自音嚶嚶人世懸網
羅失足安所逃奮飛尙無解相將登雲霄

萬物有本根傷之鮮不萎矧此骨肉親忽焉相乖離人性

豈其殊有身乃遂迷但知暢所欣手足捐如遺荆花驗枯榮微木尙有知嗟彼靈智人頑然不如茲意氣雖云厲斧斤徒自披緬懷常棣篇悠悠使我思

餞方植之姚石甫兩先生於遂園

方之祁門主講姚之粵西治軍

武城崇師模沫土廊臣節造化妙位置道觀豈懸絕二老事征轡出處乃攸別育才補天工殄賊培國脈兩事各分塗易地無殊轍嘉會集名園祖餞相與訣春花呈妍顏芳草知媚悅老幼共流觴班坐忘主客高談盡歡情誰復惜離別聚散如飄雲升沉流電掣我友盛意氣所遭焉能決傳心追孔顏數勳侔臯契踵武有前蹤當筵兩宗哲絕學挽狂瀾飢驅髮盈雪發縱擅人功從戎雜行列吾道雖云伸俛仰猶憾缺車馬各西東何時親言說